

Ўзбекистон болалари ва ўсмирларининг газетаси

Наврўз оғиноғидоғи бурани ағдоғи бодиноғи!

Умр — оқар дарё. Қуни кеча арча атрофида Қорбободан совғалар олиш илинжида басма-бас шеърлар ўқиётган сизлар эмасмидингиз?! Хайрият, эсладингиз. Бироқ ораддан билдирмасдан 80 кун ўтиб кетди. Демак, мелодий 1994 йилимиз бошланганига ҳам 80 кун бўлди. Ахир, унда яна нега янги йил, янги кун, йил боши деган қутлуқ каломлар сизнинг-да тилларингиздан тушмай қолди? Лекин манзаралар бўлакча. Шодиёна руҳида момомерос бир ифор уфуради. Қишнинг захридан ҳам чўчиб ўлтирилгани йўқ. Сайилнинг энг тўрини дошқозонларда қайнаётган сумалак ва ҳалимлар, улар гирдини олган гўзал-гўзал қўшиқлар эгаллаган. Сал ғалатиноқ эмасми? Ахир бир йилда у икки бор янгиланганми? Балки бу савол сизни ҳам сал бўлса-да ўйлантиргандир?

Этибор берган бўлсангиз, 1 январда, яъни биз кутган янги йилда, албатта "мелодий" сўзини айтмасдан ўтилмади. Бу бежиз эмас. Чунки бу сана, Насронийлар пайғамбари Исо алайҳис салом — Иусис Христос таваллуди билан бошланган. Яъни ўтган 1 январда Исо Масих (тирилтирувчи)нинг туғилганига 1993 йил тўлиб, 1994 йилга ўтилди. Тенгсиз пайғамбарларнинг дунёга келиши, эътиқоди, таълимоти аввало, у қайси халқларга кўпроқ тегишли бўлса, ўшаларнинг бахти, қувончи, байрами. Шу боис ҳам бу қутлуғ санани ҳисобга киргандан буён насроний динига эътиқод қўйган халқлар нишонлаб, тақвимлаштириб, шу асосда иш юритишиб келишади. Иккинчи еқдан бу уларнинг юртлари табиатини ўрганишлари, теварак-атрофлари янгиланишини ўзларича ҳис қилганларидан келиб чиққан бўлса ҳам ажаб эмас. Нечунки, айни 1 январ кунларида Шимолу-Ғарбда қиш авжига чиқиб, бошқа еқлардан кўрада ҳаволари тозаради. Айниқса, пайдар-пай еққан қорлар бу ўлкаларни софликка, янгиланишга ўрайди.

Насроний динидаги давлатлар тараққиёти билан бу йил ҳисобини анча-мунча халқлар, мамлакатлар қабул қилганлар ва шу тақвим ҳисобича иш юритишиб келишади.

Аммо — Туркистонда мелодий йил жорий этилишидан-нишонланишигача бўлган кечмиши афсуски... чор Россияси истилоси, Шўролар салтанати зўравонлиги билан боғлиқ. Шунгача бизда йилнинг тақвим ҳисоби йўқмиди ёхуд йил боши шодиёнаси нишонланмасмиди? Ҳаммаси бор, жорийлаштирилган эди. Бироқ истило бошқа ажойиб қадриятларимиз қатори йил ва байрамларимизга ҳам чанг солди.

Улуғ бобомиз Абу Райҳон Беруний шаҳодат беришларича, мелодий йил ҳисобидан 2 минг йил олдин ҳам Шарқ халқлари янги йилни катта шодиёна ва хурсандчилик билан нишонлаб келишган. Унга қизғин тайёргарлик кўришган. Бироқ бу сана шимол халқлари ёки насронийлар каби 1 январда эмас, (ҳозирги ҳисоб бўйича айтаялмиз) 21 мартда бўлган. Нега бу палла танланган? Чунки "Наврўз" номи билан минг йиллардан буён машҳур бўлиб келган бу байрам санаси кўп томондан ҳам инсонга боғлиқ бўлмаган ҳолда табиатнинг бурилиш нуқтасидир.

Авалло, шу кунга келиб ер Қуёш атрофини йилда бир марта айланиб бўлади. Ва шу қонуний ҳаракат янгидан бошланади. Бундан ташқари, бу лаҳзада заминга уйғониш

— янгиланиш кириб келади. Борлиқ кўкаришга, яшнашга киришади. Шу маънода исми жисмига муносиб — Наврўз — янги кун аввало кунларнинг, табиатнинг янгиланишидир. Бу буюк ҳодисанинг кўнгилга, руҳга, танимизга таъсири уни янгиллаб, уйғотиши иккинчи бир гўзал таърифга сиғмас шодиёна. 21 мартдан Ҳут тугаб, Ҳамал ойи билан бошланган янги йил боболаримизнинг мучал ҳисобида 12 номда бўлиб, ҳар бири ҳайвон — мавжудот исми билан аталиб келинган ва ҳар 12 йилдан кейин яна сафга қайтган. Бу номланишлар ҳам шунчаки эмас. Балки ўша йилнинг келиши кўпинча номи билан юритиладиган ҳайвоннинг феъли, туриш-турмушига ўхшаш кечган. Масалан, балиқ йилларининг аксарияти серобгарлиги, сувга мўллиги билан бошқа йиллардан устун келса, қўй йили оби-ҳавосининг бироз кўпроқ мўътадил келиши ҳам бу жониворга ўхшаш эканлигини билдирмайдими?! Шубҳасиз буни ажодларимиз кузатишган, ҳисобга олишган ва келаётган йилнинг қандай келишини бир қадар билишиб, режаларини ҳам шунга яраша тузишган. Бунини биз ҳам ҳисобга олсак, билиб қўйсак зарар қилмайди.

Шарқда Исломи дини кенг ёйилгандан кейин эса кўпчилик қатори Мавороуннаҳр (дарё ортадаги юрт) — Туркистонимизда ҳам шамсий-ҳижрий, қамарий-ҳижрий йил ҳисоблари бўйича йилларни ҳисоблашга, шу бўйича иш юритишга ўтилган.

Бу икки бир-биридан фарқ қилувчи йил ҳисобларига "ҳижрий" атамасини қўшиб айтилишининг сабаби бор. "Ҳижрий" сўзи арабча "ҳижрат" сўзининг ўзагидан олинган бўлиб, "кўчиш" маъносини англатади. Бу икки йил ҳам пайғамбаримиз Муҳаммад алайҳис саломнинг Маккадан Мадинага ҳижрат қилганлари, яъни кўчгани дамларидан ҳисоблана бошланганлиги боис шундай аталади. Бу вақт мелодий йил ҳисоби бўйича 620 йилга тўғри келади.

Энди нега бири шамсий, иккинчиси қамарий деб аталишини билиб олайлик. Шамс — қуёш сўзининг, қамар эса ой сўзининг маънодоши — синоними эканлигини яхши биласиз. Бу йил айнан худди шу сайёралар номидан олинганининг боиси, улар ернинг қуёш ва ойнинг ер атрофидан ҳисоби бўйича юритилади. Бу вақт тахминан ҳар йилда 10 кун бир-биридан фарқ қилиб, яъни ой ер атрофида, ер қуёш атрофида айланиб чиқишига қараганда 10 кун олдинроқ айланиб чиқиши билан йил ҳам олдинроқ ўзгаради. Шу боис ҳам бу йилларнинг ҳисобдаги фарқи тобора бир-биридан ортиб боради. Биз айни кунларда 1373 — шамсий-ҳижрий йилни кутиб олиш арафасида, қамарий-ҳижрий ҳисоб бўйича

1413 йилда яшамоқдамиз. Шарқ — Муслмон давлатларининг аксариятида бу икки йил ҳисобига ҳозир ҳам қарийб бир хилда амал қилиб келинади. Негаки, қамарий-ҳижрий йил ҳисоби ойнинг чиқишига кўра асосланиб, барча ислом дини кўрсатмалари, шарият аҳкомлари шу бўйича олиб борилса-да, қишлоқ ҳўжалигида экин-тикинлар ривожидида шамсий-ҳижрий тақвим ҳисобига мурожаат қилишга тўғри келади.

...Мана, яна Наврўз — Қуёш ҳисобидаги янги йилнинг биринчи кўни кириб келмоқда. Борлиқ — табиат уйғонишининг илк лаҳзалари. Барча янгиланишлар ила жисмимиз ва руҳимиз ҳам чиндан-да бир йилга ўстирадиган бу улуғ айём сенга муборак, укажон, сингилжон!



Болалик дуоси...

Қара, қандай шаффоф, бе губор нигоҳ, Ҳовучида лим-лим янграган олам. Рухияти оппоқ, либослари оқ, Ҳавасдан тишларини қайрайди лола.	Рухимни етти қават кўкларга кўтар, Кўнглим сафлаб-сафлаб, лаҳза тозартир. Юрагимга қудрат, тилимга журъат, Бергин, лек ҳамиша хатом озаитир.
Термулган мехробидан кўлвор умидвор, Юрмаган йўллариди ям-яшил хаёл. Дайди чиққан орзу ҳоқони баҳор Гўзал рамазоннинг малаги ҳилол:	Малойиклар, омин, дарёлар омин! Найга улгурмаган наволар омин! Боғлар бошидаги боболар омин! Қирлар рошидаги момолар омин!
Юртим, ҳайитгинанг муборак бўлсин, Элим бошгилангиди ийди рамазон. Менинг дуомдан-да гулларинг унсин Менинг дуомдан-да кўкарсин камон.	Маъсумликнинг дарди бўлсин ижобат, Даҳри дуннинг қарзи, этма хижлолат. Улса, фақат ўлсин губор, хиенат Бундан ҳеч юқори бўлмас ибодат!

В.ФАЙЗУЛЛАЕВ.



"Боғча гуруҳларига кираверишда кўзинингиз миллий чойхонага тушади. Болалар хонтахта атрофида жамланиб, бир пиёла чой устида гурунглашишади".

"Қамолот сари"
2-БЕТ

"Баҳорнинг илк, майин шаббодаси эса бошлади, осмонда болажонлар ясаган варраклар парвоз қилади. Баҳор даракчилари бўлмиш қалдирғочлар билан басма-бас қувлашаётгандек гўё".

"Баландроқ уч, варрагим!"
3-БЕТ

"Кейин ҳамма жойда келаверди дуч,
Кўчамиздан ўтди, бақириб, санқиб.
Бозорда бақирган безори ҳам у —
Оғзидан дўзахнинг ҳидлари анқиб".

"Достонлардан чиқиб келган дев..."
4-БЕТ



Баландроқ уч, варрагим!

Ўлкамизга Навбахор келди, хусну тароватини, кўрку латофатини кўз-кўз қилгани. Борликда баҳорий бир илиқлик, дилларда нурафшон кунларга интиқлик ҳукмрон. Гул-гул яшнаб, борлиқни яшнатиб келган Баҳорой энг аввало болажонларнинг мурғак, бесаранжон қалбларига мўралагану уларни завқу шавққа, шодликларга тўлдириб юборгандек.

Баҳорнинг илк, майин шаббодаси эса бошлади, осмонда болажонлар ясаган варраклар парвоз қилади. Баҳор даракчилари бўлмиш қалдирғочлар билан басма-бас қувлашаётгандек гўё.

Варраклар... Эҳ-хе, улар қанчадан-қанча, қатта-кичик, ранг-баранг. Қани айтинг-чи, кимнинг ясаган варраги кўркамроқ, қай бири баландроқ учаяпти?..

Азиз болажонлар! Орангизда варрак ясамаган, унинг баланд парвозидан завқланмаганлар топилмаса керак-а?! Ундай бўлса хурсанд бўлаверинг. Ҳар йилгидек бу йил ҳам яхши анъанага айланиб қолган варраклар сайлини ўтказиш режалаштирилган.

Ўзбекистон Ёшлар Иттифоқи Марказий Кўмитаси халқимизнинг улуг шодиёнаси бўлмиш Наврўз айёмига бағишлаб варрак ишқибозларининг кўрик-танловини эълон қилади. Танлов голибларини эса қуйидаги миқдордаги пул мукофотлари кутмоқда:

- 1-ЎРИН — 250 МИНГ СЎМ
- 2-ЎРИН — 150 МИНГ СЎМ
- 3-ЎРИН — 100 МИНГ СЎМ

Барча варрак ишқибозларини варраклар сайлига таклиф этамиз! Маълумотлар учун телефонлар: 41-08-50, 41-06-50

ЎЗБЕКИСТОН **ЁШЛАР**
ИТТИФОҚИ **МАРКАЗИЙ**
КЎМИТАСИ

Мактуб

КЎЗЛАРИМ ЙЎЛНИНГДА

Ҳар куни болалар уйи енидан ўтиб бораётиб, бир қизчага кўзим тушади. Аввалига унга эътибор бермасдим, кейинчалик бу қизча бутун хаёлимни қамраб олди. У гоҳида икки қўли билан юзларини беркитганча йиғлар, гоҳида қатта кулф солиб қўйилган дарвоза панжаларини озгин қўлчаларила ушлаганча ҳар бир ўтаётган одамга ҳадик билан тикиларди. Бир куни унга яқинроқ бориб, бу ҳолнинг сабабини сўрадим, у жим, ширинликлар бериб яна сўрадим — у яна жим эди. Шундан сўнг тарбиячининг олдига кириб, унинг бошидан ўтган, ўтаётган кечмишларини сўрадим. Тарбиячи гапни узоқдан бошлади. Шу тун ушбу сатрларни қораладим.

Шохсанам оилада учинчи фарзанд бўлиб дунёга келди. Чақалок бу оилага бахт эмас, ташвиш олиб келди. Фақат тўрт ёшли Фарид ва тўққиз ёшли Фарруҳгина қувонишди, холос.

Орадан икки йил ўтиб, ота-онаси ўртасида арзимас нарсалар баҳона уруш-жанжаллар бошланди. Охир-оқибатда она икки фарзандини ташлаб, эндигина икки ёшга тўлган Шохсанамни олиб, шаҳарга кетди. У бир уйни ижарага олиб яшай бошлади. Ишга жойлашди. Лекин ўз қизига бўлган муомаласи кундан-кунга ўзгара борди. Уша кунни Шохсанам яхши эслайди. Бир куни онаси уни қаттиқ эркалади. У онасининг бундай меҳрибонлигига ҳам севибди, ҳам ҳайрон қолди. Мана, она беш ёшли фарзандини ювинтириб ухлатди. Қизча эса севибди уйкуга, ширин тушлар оғушига кириб кетди. Эрталаб она қизини кийинтириб, холангникига борамиз, дея овқатлантира бошлади. Қизча эса "холасиникига" боргиси келмас, кечаси тушида кўргандек, онаси билан ҳайвонот боғига бормоқчи эди. Она қаршилик кўрсатаётган Шохсанамнинг юзига шайалоқ тортиб юборди... Шохсанам еш тўла кўзларини онага тикаркан, ҳозиргина қилган меҳрибончилигини тасаввур қилолмасди...

Ана, она қизининг қўлидан судраганича кенг йўл бўйлаб кетмоқда. Қизча йиғлар, сассизгина "ойи, ойижон, уйга қайтайлик" дея шивирларди.

Улар қатта бино олдига тўхташди. Бино ҳовлиси болалар билан лик тўла бўлиб, болаларнинг баъзилари қийқиришиб ўйнашар, аммо бу кул-гиларида синиклик бор эди. Шохсанам ўриндиқда ўтирган болаларга тикилиб қаради... Шунда у онасининг оппоқ халат кийиб турган тарбиячиларга қараб, "Мен ҳеч нарсани билмайман, уни олиб қолиш сизнинг вазифангиз, мен бу қиздан воз кечаман", деганини эшитиб қолди. Она шундай деб кўча томон йўналди. Шохсанам онасининг гапини тушунар-тушунмас ортидан чопа бошлади, аммо она уни итариб юборди. Она жаҳл билан кетиб борар, унинг ортидан Шохсанам "ойижон, мени ташлаб кетманг..." деб чопар, қизчанинг орқасидан эса тарбиячилар югуришарди. Қизча югурди, югурди, ниҳоят дарвозага етди, юзубан йиқилди. Бемехр она зарб билан елган дарвоза Шохсанамнинг юзига қаттиқ теккан, юзининг бир қанча жойи лат еб, қонаган эди. Она гарчи қизининг йиқилганини сезган бўлсада, қайрилиб ҳам қарамади.

Бу воқеага салкам бир йил бўлибдики, она бу ерга қадам босгани йўқ. Шохсанам бўлса унинг келишини кутади...

Мана у ҳозир ҳам ўтирибди, жажжи қўлчалари билан юзини тўганича йиғлайди, чинорнинг иссиқ бағрида ширин-ширин тушлар кўриб мудрайди. Маюс кўзлар йўл қарайди, йўл эса кимсасиз...

Хулқар ХУДОЙБЕРДИЕВА,

Сирдарё вилояти, Оқ олтин туманидаги 8-мактаб ўқувчиси.



Қўчат экиб, боғ ярат!

Она диёримизга серфайз, фусункор баҳор келди. Водийлар, қир-адирлар яшармоқда, бутун борликда ажиб бир жонланиш. Баҳорнинг ҳар бир куни, ҳар бир онини ғанимат билган бобо деҳқону боғбонларимиз аллақачон ўз юмушларини бошлаб юборишган.

Ҳамма жойда бўлгани каби Тошкент шаҳридаги 23-мактаб ҳовлиси, боғларида ҳам баҳорги ишлар қизигандан қизиган. Ўқувчилар боғларни тозалаш, дарахт тағларини юмшатиш, оқлаш, уларга шакл бериш, қуриган шох-шаббаларини кесиш, янги ниҳоллар ўтқазиб каби юмушларни бажаришмоқда. Бу ишларга эса мактабнинг биология фани ўқитувчилари Муҳтарам опа Мирвосилова ҳамда Анвар ака Ҳақимов бошқош бўлмоқдалар.

Суратларда: мактаб боғида иш қизгин.

Р.АЛЪБЕКОВ туширган суратлар.



Ҳунар — ҳунардан унар

Ўрта мактабларда бугунги кунда ўқувчиларнинг билим олишлари билан бир қаторда турли ҳунар ўрганишларига ҳам жиддий эътибор берилаятгани ҳақида кўплаб гапирилмоқда. Аммо амалий ишлар ҳақида сўз юритилганда ҳамма жойда бир хил эмас. Тажрибасини оммалаштириш керак бўлганлари орасида эса Шайхонтоҳур

туманидаги 2-ўқув ишлаб-чиқариш бирлашмаси ишларини айтиб ўтиш мумкин. Бу ҳунар ўрганиш масканида бугун юзлаб ёшлар иқтисодимиз, ишлаб-чиқаришимизнинг раванки учун жуда зарур бўлган кўплаб ихтисосликларни ўрганишяпти. Токарлик, слесарлик, фрезеровчилик, тикувчилик, секретар-машинкачилик каби 15 ихтисослик сирларини ўрганаётган болалар орасидан эртага қобилиятли усталар, ишбилармон ёшлар чиқиши аниқ.

Ўқув ишлаб-чиқариш бирлашмасига тумандаги мактабларнинг 8-11-синф ўқувчилари келишади. Болалар юқорида санаб ўтилган кўпгина ҳунарларни ўрганиш билан биргаликда, ишлаб-чиқариш жараёнида ҳақиқатда ҳам иштирок этишади. Бирлашма Чкалов номидаги Тошкент авиация ишлаб-чиқариш бирлашмаси билан шартнома тузиб, кичик

кооператив ташкил этган. Болалар машғулотлар давомида авиация ишлаб-чиқариш бирлашмаси буюртмаларини ҳам бажариб боришади: водопровод кранлари, турли болт ва сантехника жиҳозларидан 15 хилини ясаб беришади. Ишланаётган буюмларнинг барча талабларга мос бўлиши ва яхши ясалиши учун эса бирлашма хизматчилари — кооператив раиси Б. С. Ершов ва Раҳматилла Абдурахмонов жавобгарлар. Улар бу ерда ишлаётган 300 нафарга яқин ўқувчиларга ўзларидаги барча билим ва тажрибаларни ўқувчиларга ўргатиб бормоқдалар. Қизлар эришаётган ютуқлар ҳам ўғил болаларникидан қолишмайди. "Шарқ гули" фабрикасида 28 йил ишлаб, қатта тажриба орттирган мохир тикувчи Мукаррам опа Мирзааҳмедова бошлигида тикувчилик цехи ишлаб турибди. Ушбу фабрика билан ўқув ишлаб-чиқариш бирлашмаси ўртасидаги

шартномага кўра, бу ерда ҳунар ўрганишга келган ўқувчи қизлар тикувчилик касбини эгаллайдилар, шу билан бир қаторда фабрикадан келтириляётган хом ашёдан турли хилдаги кўйлақлар, кичкинтойлар учун қалпоқча ва кийимчалар, ички кийимлар тикиб беришади. Мукаррам опа бўлажак тикувчиларнинг ишларини назорат қилиб боради.

— Биз иложи борича ишлаб-чиқаришга яқин бўлган шароитни яратишга ҳаракат қилдик, — дейди устоз. — 8-9-синф қизлари тикишни ўргана боришса, 10-11-синф қизлари машиналарда мустақил иш тика бошлашади. Ҳар ойда 400га яқин тайёр маҳсулотларни топшираемиз. Бунинг эвазига қизлар 5-6 минг сўм миқдорда иш ҳақи олишади.

Бу каби хайрли ишларни амалга ошираётган ўқув ишлаб-чиқариш бирлашмасида яна бир қанча бошқа ихтисосликларни ўргатувчи гуруҳлар ҳам

мавжуд. Уларда компьютерлар билан ишлашни, дурадгорликни, ёғочга ўйиб ишлашни, иш бошқарувчиликни ҳам ўрганадилар. Бу гуруҳ аъзоларининг қўли билан ясалган чиройли қутиларни, олтқирралик ўриндиқларни, ром ва бошқа буюмларни кўриб ҳавасингиз келади ва ўсиб келаётган авлодга миллий ҳунармандчилигимизни, ҳаётга жуда зарур бўлган касбкорларни кунт билан, сабр-тоқат билан, меҳр билан ўргатиб бораётган педагогик жамоа аъзоларига миннатдорчилик билдиргинг келади.

Д. ТУРАХМЕТОВА.



Шаҳримиздаги Тошкент тўқимачилик комбинатида 7-болалар боғчасида 130 нафар кичкинтой тарбияланади. 25 нафар меҳрибон тарбиячилар улар қошида парвона. Бу даргоҳни нафақат тарбия, балки саломатлик маскани деб аташ ҳам мумкин. Чунки боғча қошида мудири Ромоненко Светлана Николаевнанинг саъй-ҳаракатлари билан ташкил қилинган даволаш маркази фаолият кўрсатиб келмоқда. Тоби қочиб қолган болалар шу ернинг ўзида шифо топадилар.

Бу маскандан болажонлар бекорчиликдан зерикиймайди. У-шу тўғараги, тасвирий санъат студияларида шуғулланадилар. Мусиқа раҳбари Матрисова Галина Михайловнадан мусиқали ритмикадан сабоқ оладилар.

Мустақил диёримиз жаҳонга юз тутаётган айни дамларда чет тилларини ҳам мукамал эгаллаш давр талаби бўлиб қоляпти. Шу боисдан ҳам боғчада болаларга ёшликдан оқ инглиз тилини ўргана боришга аҳамият берилаётир.

Боғча гуруҳларига киравершида кўзингиз миллий чойхонага тушади. Болалар хонтахта атрофида жамланиб, бир пиёла чой устида ўзбек тилда гурунглашишади. Бундай тадбирлар эса тарбияланувчилар орасидаги ўзбек бўлмаган болаларга давлат тилини ўргана боришларига қўл келмоқда.

Кувонарли томонларидан яна бири шундаки, ушбу маскандан болажонларнинг нафақат тарбияли, балки соғлом ва бақувват бўлиб камол топишлари учун барча шарт-шароитлар муҳайё қилинган. "Травушка" деб номланадиган фитобар болаларнинг энг севимли даргоҳига айланган. Турли доривор гилёҳлардан тайёрланган ичимликларни жон-жон деб ичишади.

Қизиқарли тадбирлар, тантана ва туғилган кунлар ҳам шу ерда нишонланади.

Боғчада яна тайёрлов гуруҳи ҳам ташкил қилинган бўлиб, гимназия мактаблари учун ўқувчилар тарбияланади.

Қисқаси, ушбу маскандан келажакимиз эгалари бўлиши болажонларимизнинг ҳар бир кунини серзавқ, мароқли ўтаётганига амин бўлиб қайтдик.

Суратларда: 7-болалар боғчаси ҳаётидан лавҳалар.

Р.АЛЪБЕКОВ суратга туширган.



СОҒЛОМ АВЛОД УЧУН

КАМОЛАТ САРИ



Гўзалликни, баҳорни олқишлашди

Наврўзи айём кишилар дилига завқ бағишлайди. Ер юзи кўкариб, ҳаммаёқни гуллар тўлдирди баҳордан кириб келади у. Ана шундай тароватли кунларда болалар дил севинчларини нима биландир изҳор этишни исташади. Кимдир расм чизади, кимдир каштага ўз ҳаяжонини туширади.

Наврўз берган ҳисларни, дил қувончларини билдириш мақсадида мактабларда турли мусобақалар, баҳслар ўтказила бошланади. Ана шулардан бири байрам арафасида Нурота туманидаги 11-мактабда бўлиб ўтди. Газламага нақш ва гуллар чизиш бўйича ўтказилган мусобақага бу мактаб қизлари анча олдин тайёрлана бошлаган эди. Қизлар баҳор, уйғониш фасли, Наврўз завқини газламага ўз маҳоратлари билан бирга туширишган эди. Ишланган барча кашталар байрам арафасида мактаб кўрғазмасига қўйилди. Ғолибларни аниқлаш осон бўлмади. Чунки ҳамма иш ҳам байрамнинг ўзи каби нафис ва гўзал эди. Мусобақа байрамга ўзгача завқ бағишлади.

Суюн ХАЙДАРОВ,
Навоий вилояти.

Замонамиз улуғбеклари

Уларни қандай тасаввур этасиз? Балимдон, зукко, зийрак, доно.. Бобомиз Мирзо Улуғбек каби ана шундай ҳислатларни эгаллаб, у каби миллатимиз алломалари бўлиш осон иш эмас. Аммо Улуғбек номидаги 6-мактаб ўқувчилари худди шундай бўлишга ҳаракат қилишади. Мактаб номини, қолаверса, бобокалон номини оқлаш учун ҳам ўқишда, ҳам жамоат ишида уддабурон бўлишга интилишади. Мактабнинг М. Холиқов номидаги кашшофлар жамоаси альочи ўқувчилар учун "Улуғбек" номидаги стипендия жорий этишди. Ушбу стипендия учуқ маблағни ҳам болаларнинг ўзлари "Шиша", "Наъматка", металл, макулатура операциялари орқали йиғиб боришмоқда. Январ ойида бу стипендия 9-9"Б" синф ўқувчиси Нилуфар Тожибоевага насиб этди.

Маълумки, 23 март кунин республикамизда Муҳаммад Тарагай Мирзо Улуғбекнинг 600 йиллиги кенг нишонланади. Бу кунни ҳам кашшофлар жамоаси кенг нишонлашни режалаштириб қўйишган. Бош етакчи К. Камолова билан келишган ҳолда болалар шу кунлар ичида "Балли, қизлар!", "Замонамиз улуғбеклари" каби беллашувларни ўтказиш ниятидалар. Болалар бугунги кунда ушбу беллашувларга қизгин тайёргарлик кўришмоқда.

— Ушбу тадбирлар, — дейди мактаб ташкилотчиси Н. Зайлобиддинов, — миллатимиз фахри бўлган Улуғбекнинг ҳаёт ва ижодини янада чуқур ўрганишга, унга эргашини болаларни руҳлантиради. Мактабимиз ўқитувчилар жамоаси ҳам бу каби тадбирларда энг фаол



иштирок этган синфнинг раҳбари ва ўқитувчилар учун Улуғбек номида мукофот таъсис этган.

Бугунги кунда эса мактабда Наврўзи айёмга бағишлаб турли кеча ва тадбирлар ўтказилмоқда.

М. АБДУРАХМОНОВ,
Андижон вилояти, Булокбоши тумани.

Бири бирига ҳамдам

Самарқанд вилояти, Каттақўрғон шаҳри, Самад Раҳимов номидаги 5-мактабда ажойиб қобилиятли ўқитувчилар ишлашади. Сиз хоҳ адабиёт, хоҳ биология, хоҳ чет тили ёки бошқа қайси фан бўйича дарсга кирманг, ўқитувчининг янгича дарс ўтишидан, янгича фан талқинидан руҳланиб чиқасиз. Ўқитувчилар билан ўқувчиларнинг ўзаро тушуниш муносабатлари, қизиқувчанликларини кўриб, ҳавас қиласиз.

Сўзимиз исботсиз қолмаслиги учун 6-6"Г" синфи ҳақида айтиб ўтайлик. Ушбу синфга табиат икки томондан қобилият инъом этган ўқитувчи С.А. Абдурахмедова раҳбарлик қилади. Бу қобилиятнинг биринчиси болаларнинг ички дунёсини тушуна билишдек нозик ҳиссиёт бўлса, иккинчиси — режиссёрликдир. Муаллима уларнинг ҳар иккаласидан уйғунлиқда фойдаланади. Узи раҳбарлик қилаётган синф ўқувчилари билан "Қалдирғоч" номи болалар театр студияси ташкил этган. Тўғри, студия ишларининг жонланиб кетишига авваламбор, болаларнинг, Сайёра опанинг, қолаверса, А. Мажидий номидаги вилоят театрининг режиссёри Р. Ёриевнинг ҳам меҳнатлари кўп сингди. Болалардаги қобилият ва санъатга бўлган чанқоқликни кўриб, уларни тўғри йўналтира билиш ва янада юксалтириш мақсадида болалар билан бир қанча спектакллари тайёрлади.

Муаллима Сайёра опа ҳам, режиссёр Равшан ака ҳам интилган мақсадларига етишди. Жажжи актёрлар билан санъатлаштирилган "Вақт қароқчилари", "Эгри ва тўғри" каби томошаларни бугун уларнинг мактабдошлари, қўшни мактаб ва туман аҳолиси қизиқиш билан томоша қилишмоқда. Бўлғуси театр усталарининг истеъдодларини тўлалигича кўришни истасангиз, Каттақўрғонга марҳамат қилинг.

Шерзод СОБИРОВ,
Каттақўрғон шаҳри,
Ойбек номидаги Болалар ва
Усмирлар ижод маркази
қошидаги "Еш мухбирлар"
тўғараги аъзоси.

СПОРТ • СПОРТ

НАВРЎЗГА БАҒИШЛАНДИ

Баҳор, янгилаиш, уйғониш байрами ҳисобланмиш Наврўз ҳар йили янгича завқ, янгича кайфият билан нишонланмоқда. Унутилаётган, одат тусидан чиқиб қолаётган анъана ва расм-русмларнинг тикланиши билан бир қаторда янгича байрам тадбирлари кириб кела бошлади. Бу эса Наврўзи айёмнинг янада яхши ўтишига ўзгача файз бағишламоқда.

Фикримизнинг далили сифатида байрам арафасида Тошкент шаҳрида Наврўзга бағишлаб ўтказилган спорт мусобақалари ҳақида айтиб ўтмоқчимиз. Шайхонтохур тумани спорт бўлимнинг ташаббуси билан бир неча кун давомида тазквандо бўйича I шаҳар мусобақалари бўлиб ўтди. Тазквандо

бўйича миллий ассоциация раҳбарлик қилган ушбу мусобақаларда Тошкент шаҳридаги 9 та клуб ва секцияларда спорт сирларини ўрганиб келётган 60 га яқин ўсмирлар иштирок этишди. Уларнинг ёшлари турлича эди — 5' ешдан 17 ешгача бўлган спортчиларнинг орасида тазквандонинг бошлангич сирларини ўрганаётганлар ҳам, шу билан бирга республика миқёсидаги мусобақаларда голиб чиққан, юқори белбоғ эгалари ҳам бор эди.

Мусобақалар жуда қизгин ўтди. Ёшлар ота-боболари каби курашда елкалари ерга тегмаслигини исбот қилгандай шижоат ва мохирлик билан ҳаракат қилишди. Тимур

Саидов, Коля Могоч, Оксана Ни каби бир қанча еш таэквандочилар голиблик шохсупасига чиқишга муваффақ бўлдилар.

СУРАТЛАРДА:

мусобақа ҳакамлари голибларни эълон қилишмоқда.

Мусобақадан лавҳалар.

Р.АЛЪБЕКОВ суратга туширган.



